



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. II. Aeternitatem soli Deo propriè conuenire.

[urn:nbn:de:hbz:466:1-46817](#)

tiam, sed etiam quoad omnia quæ in illa considerantur. Vnde Angeli, etiamsi essent ab æterno, non tamen propriè haberent æternitatem; quia non possident perfectè vitam suam totam simul, sed solum essentiam & actus beatificos. Ex his patet, æternitatem tria postulare: primò, ut sit duratio: secundò, ut sit immutabilis, seu tota simul: tertio, ut ab intrinseco, seu ex vi illius esse in quo fundatur, careat principio & fine. Vnde hoc modo breuiter definiri potest: *Est duratio tota simul, ab intrinseco carens principijs & fine.*

C A P V T II.

Æternitatem soli Deo propriè conuenire.

Ex his quæ Capite superiore dicta sunt, consequens est soli Deo competere propriè æternitatem. Primò, Quia solus initio caret durationis, solus numquam incepit, solus omne tempus & interuallum durationis occupat & ambit. Hinc vocatur *antiquus diuinorum*, apud Danielem cap. 7. quia (v. Dionysius cap. 10. De diuin. nom. exponit) *ipse est omnium æuum & tempus, ante dies, ante æuora, ante tempus.* quod intellige de omni tempore, etiam comprehensibili à creatura. Parum enim esset, ipsum fuisse ante tempus reale, quod nondum sex annorum millia compleuit; cùm etiam Angeli plurimis sæculis, iuxta Patrum quorundam sententiam, ante illud tempus fuerint, Deumque laudauerint: sed fuit etiam ante omne tempus imaginabile, quantumvis illud longum concipiatur. Accipe ante conditum mundum tot sæcula quoq; sunt arenæ in littore maris, Deus iam erat: accipe totidem myriades sæculorum; Deus anteä erat: hunc immensum sæculorum numerum in se multiplicata, adhuc Deus infinitis sæculis est antiquior.

Dicitur *omnium æuum & tempus*, quia omne æuum ex ipsius duratione pendet, & omne tempus ex ipso fluit, qui æuo & temporis suum esse tribuit & continuat. Vnde cap. 5. idem Dionysius ait: *Αὐτὸς ἐν διαιών τῷ διαιών, διπάρχειν τοῖς ἀισθένεσιν. Ipse εἰδὼν τοῦ οὐρανοῦ μέρην τοῖς αἰσθένεσιν, τοὺς χρόνους διτόπις, τοὺς διών τῷ διών οὐρανού. Ipse est principium & mensura æuorum, & temporum entitas, & entium æuum. quæ omnia causaliter intelligenda.*

8 Omnis verò creatura initium habet, quia non ex substantia Dei, sed ex nihilo est. Imò secundum sanctorum Patrum sententiam,

G nec

Origenes.
Greg. Nazianzenus.
Basilius.
Hilarius.
Ambrosius.
Hieronymus.
Damasenus.

Augustinus. nec æterna retrò esse potest. Docent enim, creaturam suo Conditoris non posse esse coæternam. *S. Augustinus lib. 12. De ciuitate Creaturam c. 15.* Tempis quoniam mutabilitate transcurrat, æternitati immutabiliter non potest esse coæternum. Ac per hoc etiam si immortalitas Angelorum non transit in tempore, tamen eorum motus quibus tempora peraguntur, ex futuro in præteritum transiunt, & idèo Crætatori coæterni esse non possunt.

Fulgentius. Fulgentius lib. De fide ad Petrum c. 3. *Hic Deus qui sine initio semper est, quia summè est, dedit rebus à se creatis ut sint, non tamen sine initio: quia nulla creatura eiusdem naturæ est, cuius est Trinitas unus Deus, à quo creata sunt omnia.* Hic indicat, creaturam non posse carere initio duratioñis, quia non est naturæ diuinæ, sed ex nihilo.

Ambrosius. S. Ambrosius l. 6. Hexaëmeron c. 1. *Quid tam inconveniens, quām ut eternitatem operis cum Dei omnipotenti coniungeret eternitatem?*

Basilius. S. Basilus l. 2. contra Eunomium pag. 8. *Nos autem eternitatem creaturis tribuere, & Creatorem hac confessione priuare, eiusdem amentia dicimus.* Ante probauerat Filium esse æternum, hinc infert, non esse creaturam, ut volebat Eunomius. Rationem adferit: Quia sicut repugnat Creatori non esse æternum; ita creaturæ repugnat esse æternam. Dicit esse eiusdem amentiæ: non quia utrumque est hereticum, sed quia utrumque ex natura rei inuoluit repugnantiam.

Damascenus. S. Ioannes Damascenus l. 1. De fide c. 8: distinguens generationem & creationem, dicit, *generationem carere principio temporis, & esse æternam, quia opus est naturæ, & ex substantia Patris procedit.* *Creatio* verò, inquit, *cum sit opus diuina voluntatis, non est coæterna Deo: quia quod ex non ente ad esse producitur, non est aptum natum esse coæternum ei quod principio caret, & semper est.*

Quidam putant, Damascenum solùm velle dicere, creaturæ non esse necessarium aut connaturale esse ab æterno, sed prava translatione decipiuntur. Illud enim επίφυτον, non rectè vertitur, non est natura comparatum, vel natura non postulat: sed non potest, εἰδωλον. ut passim Argyropylus apud Aristotelem vertit. Vnde significat repugnantiam ex natura rei. Simili modo idem Damascenus paulò ante dixerat, quod diuina natura επίφυτον ἔπειρον ταῦθος οὐ πεύσιν, ubi non vult dicere, ei non esse naturale, sustinere passionem & defluxionem, sed ipsam non esse aptam seu capacem passionis. Ex quibus patet, ex sanctorum Patrum sententia repugnare naturæ creatæ, ut sit coæterna suo Conditori. Et quamvis difficile sit huius rei causam adferre, eo quod rationem infiniti non satis perspectam

spectam habeamus: tamen per se est rationi valde consentaneum, ne creature illa in re possit aequaliter suo Conditori, nec possit dici dicere, Ante me non exististi: tam antiquus sum quam tu, & Filius tuus. Deinde ratio creaturæ videtur involuere, ut ante non fuerit. Hinc Patres Græci definit creationem, *cum tu pater omnis es et tu es ex te* ^{Creatio quid.}

- ^{Damas. l. 1.}
^{c. 8.}
^{Athanas.}
^{Orat. 4. con-}
^{tra Arianos.}
^{Basil. l. 2.}
^{contra Eu-}
^{nominium.}
- 10 Et S. Augustinus lib. contra Felicianum Arrianum c. 7. ex definitione creaturæ probat Filium non esse creaturam. *Creatura, in-*
quit, est ex eo quod adhuc non est, aut aliquando non fuit, rei cuiuslibet
corruptibilis, quantum in se est, Patris omnipotentis Dei voluntate fa-
cta substantia. Hec definitio utrum in Filium Dei cadat, videamus. &c.

Itaque omnes isti volunt, de ratione creationis & productionis ex nihilo esse, ut res producta aliquando non fuerit. Et sane si Arriani putassent creaturam posse esse Deo coeternam, facile dixissent, Filium esse quidem creaturam, sed creaturam æternam: & sic amouissent a se præcipuum sui erroris inuidiam. Maximè enim offendebat, quod dicerent, fuisse aliquando tempus, nempe imaginariū, quo Filius non erat: idque putabant omnino sequi ex sua sententia, qua statuebant esse creaturam. Præterea si aliquid fuisse a Deo conditum ab æterno, eius creatio non fuisse peracta momento, sed æterno tempore durare debuisset; nec Deus potuisset rem illam in nihilum redigere, aut influxum suum subtrahere, nisi postquam res illa, æterno tempore durasset. quod sane videtur absurdum, nec mens vlo modo potest concipere.

Denique sicut creaturæ repugnat immensitas, per quam coextendatur omnibus spatiis locorum, cur non etiam æternitas, per quam omnibus spatiis temporum? quia pars est ratio, imo hoc videtur conceptu difficultius.

Nec obstat, quod Deus ab æterno habuerit omnem suam potentiam, & potuerit habere voluntatem illam liberam creandi; ubi autem adest potestas & voluntas, ibi quoque sit effectus. Nam simil modo in omni parte spatiij per totam immensitatem locorum adest illi sua omnipotencia & voluntas libera, & tamen non potest creari aliqua creatura, quæ totum illud immensum impleat. Causa est, quia id repugnat naturæ creatæ. Recepit tamen conuincit illud argumentum, in quo quis momento temporis imaginarij quantumvis hinc retrorsum distante, potuisse fieri creaturam, & antea: sicut in quoquis punto loci imaginarij potest fieri, & ultra. Et hoc sufficit ad ipsius omnipotentiam immensam & æternam asserendam.

Secundò illi soli competit propriè éternitas, quia solus ex se vitam habet interminabilem. Omnis creatura ex se potest desinere & in nihilum evanescere; tota ipsius duratio absoluè ex Deo pendet. Deus ex se, id est, non aliunde. ipse enim est prima & fundamentalis vita & duratio, fons omnis vitæ & durationis. Vnde Dionys. cap. 5. De diuin. nominib. in fine: Διὸν οὐτούτῳ, οὐ τῷ ὀντί, οὐ τῷ πέρα τῷ ὀντί, οὐ τῷ μετάπορτῳ δι' αὐτοῦ, καὶ αὐτὸν. Quare ipsum eum, & omnia que sunt, & mensura rerum, & que sub mensuris cadunt, per ipsum & ab ipso sunt.

Tertiò. Quia solus totam vitam simul possidet; in creaturis non 13 est tota simul. Etsi enim in Angelis sanctis & Beatis visio beatifica & fructus tota simul sunt, alij tamen actus intellectus & voluntatis, locutiones & auditiones non sunt simul, sed alij aliis in infinitum succedunt. Vnde D. August. lib. 1. Confess. cap. 6. Summus enim es, & non mutaris, neque peragitur in te hodiernus dies; & tamen in te peragit, quia in te sunt & ista omnia: non enim haberent vias transcedendi, nisi contineret ea. Et quoniam anni tui non deficient, anni tui hodiernus dies: & quādū multi iam dies nostri & patrum nostrorum per hodiernū tuum transierunt, & ex illo acceperunt modos, & viciūq. ceterunt, & transibunt adhuc alij, & accipient, & viciūq. existent. Tu autē idem ipse es, & omnia crastina atque ultra, omniaq. hesterna & retrò, hodie facies, hodie fecisti. Quid ad me, si quis non intelligat? gaudeat & ipse, dicens: Quid est hoc? gaudeat etiam sic & amet, non inueniendo inuenire potius te, quādū inueniendō non inuenire te. Hic per hodie intelligit nunc éternitatis, quod numquā est crastinum, numquā hesternum, numquām præteritum, numquām futurum; sed semper hodiernum, semper præsens, semper nunc, in quo Deus omnia peragit & omnia peregit tam futura quādū præterita. Idem in Psal. 2. explicans illud, Ego hodie genui te: In æternitate nec præteritum quidquam est, quasi esse deficerit; nec futurum, quasi nondum sit. quare per verbum hodie intelligit eo loco æternitatem, quae tota est simul ac præsens. D. Bernardus Serm. 80. in Cantica: Tempora sub ea (natura diuina) transiunt, non ei, futura non expectat, præterita non recordatur, præsenta non experitur.

Quartò. Quia solus totam vitam suam perfectè possidet, tum 14 quia solus totam simul, ut dictum est; tum quia possidet illam per essentiam & à se, creatura autem per participationem à Deo. Hinc ille integrè & illimitatè vitam habet tamquam totam vitam, & ipsum omnis vitæ fontem possidens: creatura limitatè, & certis

ter-

terminis circumscriptam, quasi vita quamdam particulam & scintillam. Explicat hoc fusè D. Dionysius cap. 6. De diuinis nominibus.

C A P V T III.

Deum ratione sua aeternitatis esse fundamentum temporis imaginarij infiniti.

SICVT Deus per essentia sua infinitatem est fundamentum omnium creature possibilis, & per immensitatem opnis loci & extensionis possibilis; ita per aeternitatem fundamentum omnis temporis & durationis successuum possibilis. Nisi enim illa essent in Deo re ipsa, haec non haberent vlo modo esse obiectuum & intelligibile: nam etiam in esse obiectuo habent essentialem dependentiam ab illis perfectionibus diuinis. Ideò enim infinitae sunt rerum species possibiles, quia essentia diuina per suam infinitatem infinitis modis est communicabilis: ideò spatium immensum est imaginabile, quia diuina essentia per suam immensitatem illud quasi expandit; vel potius, quia ipsa est spatium immensum fundamentale, cui aliud scilicet corporeum coextendi potest. Denique ideò tempus retrò infinitum cogitari potest, quia aeternitas Dei est infinita duratio, cui tempus successuum infinitum potest coextendi (intellige, quantum est ex parte aeternitatis) vnde ipsa conceptum obiectuum temporis infiniti substituit.

Itaque Deus non solum est causa existentium, vt actu sunt, sed etiam est fundamentum possibilium & totius esse, speciei, modi, quem singula habent in esse obiectuo. Quæ sanè consideratio mirificè extollit diuinæ essentiaæ maiestatem & magnitudinem infinitam. Sic enim ab illa non solum dependent omnia quæ actu sunt, sed etiam omnia quæ actu non sunt; nec solum secundum esse actuale, sed etiam solum esse possibile & intelligibile, licet diverso modo. nam secundum esse actuale pendent à libero eius influxu, ac proinde à libera eius voluntate nulla naturali necessitate: secundum esse possibile pendent ab eo naturali necessitate ante omne decretum liberum. qua de re plura infrà Libro v. De Omnipotencia.

Hinc ulterius fit, vt sicut infinitudo essentia non potest concipi à nobis, nisi in ordine ad species rerum possibiles, nec immensitas,

G 3 nisi

Fundamen
omnis dura-
tions.